



Шорно эл, порымук да гун берр!

1-ше (3337) №,
2018 ий 6 январь,
шуматкече.

ЯМДЕ ЛИЙ

1933 ий 1 февраль годсек лектеш.



Ох, колшо идалык мучаште Йүштө Кугыз ден Лумұдырлан чо-о-от пұжалташышт логале! Кугу мешакыш пөлекым оптен, могай гына ёлкыш ышт шу?! Теве Республикысе курчак театрысе У ий кож йыр йоча-влак дене пырля пёрдыч. «Цветик-семицветик» спектакльым ончышт. 22 декабрьште тулык да эмганен кушто йоча, тунеммаште отличник да олимпиадыште сентыше-влак Йүштө Кугызан пөлекышм налыч. Марий Эл Республикым Вуйлатыше А.А.Евстифеев лум дене кум ёлко эртен: 25 декабрьште – музык да сымектыш школлаште тунемше уста ўдыр-рвезе-влаклан; 27 декабрьште – самырык спортсмен-влаклан; 29 декабрьште – марий йылмым тунемше-влаклан Марий ёлко.

ЙҮШТӨ КУГЫЗ
У ИЙ КОЖ




А.А.Евстифеев.



26 декабрьште Юл кундемесе федерал округышто РФ Президентын полномочный представительже Михаил Бабицын патронатше почеш тўжем наре йоча У ий ёлкыш чумырген. Марий Эл гыч 29 школьник миен. Нуно Г.М.Гречко лўмеш икымше цифровой планетарийыште лийынт.

Элнан
эн кугу
ёлкыжо

26 декабрьште Москваште, Кремль дворецыште, чўкталтын. Марий Эл гыч 28 ўдыр-рвезылан тушко логалаш пиал шыргыжалын. Нунын илыше ешла гыч йоча-влак. Кок икшывын ачашт порысым шуктышыштла коленыт. Лу тунемше олимпиадылаште, спорт танасымашлаште, тўрлө конкурслаште сентыше лийын.



Кечышотым эскере

- 7 январь – Шорыкйол пайрем.
- 8 январь – Йоча кинон кечыже.
- 10 январь – руш писатель А.Н.Толстойын (1883-1945) шочмыжлан 135 ий.
- 11 январь – Национальный парк да заповедник-влакын кечышт.
- 12 январь – француз писатель Ш.Перрон (1628-1703) шочмыжлан 390 ий.



Шергакан марий калык!



Марий Мер Кангаш
лўм дене У 2018 ий
да Шорыкйол пайрем
дене саламлем.

Йомак сынан
пайрем у ўша-
ным конда,
вий-куатым
ешара. Тудым еше еш пай-
рем манына. Йўштō пагытыш-
те родо-тукым дене вашлияш,
чон кумылым вашла пōлеклаш
йōн пуалтын. Меат, кумда тўня
мучко илыше марий калык, шке-
нам ик еш семын ужын, родо-
тукым кылнам арален, вянден
шогена. Вет мемнам шочмо
йылме, тўвыра, йўла ушат.

Тек 2018 ийыште кажне кече
мучашдыме чолгалыкым да пи-
алым конда, чондам ласка кумыл
рўпша да волгыдо шоньмашдам
шукта. Ончыкыжат марий
калыкнан да Марий Элын волгы-
до ончыкылыкшо верч пырля
тыршаш ўжам. Тек шочмо йылмы-
на, марий тўвырана да кугезе
йўлана калыкнан чоныштыжо
сескемалт йўлат да марий улмына
дене кугешнаш таратат.

У идалыкыште волгыдо корным,
пенгыде тазалыкым, кужу ўмырым,
вашла пагалымашым да пиалым
тыланем.

**Марий Онъыжа
Эдуард АЛЕКСАНДРОВ.**

У ий гене!

Теле толын, лум лумеш.
У ий пайрем лўшка пеш.
Икте-весым саламлен,
Кужу ўмырым тыланен,
У ийышке вончена!

**Эмилия АЛЕКСАНДРОВА.
Морко, Коркатово.**



Морко, Шўргыял.

В.С.Архипов
лўмеш школышто
(Семёновко села) ойырте-
малтше – инклюзив –
ёлко икымше гана эртен.
Тушко ментальный
койыш-шоктышан перво-
классник-влак погыненыт.
Тиде ёлкым Россия
Президентын грантше
почеш сенген налме окса
кўшеш «Тўням чиялте»
(«Раскрась мир») ООО
эртарен.

Тулык да ача-аван
ончымышт деч посна
кодшо 34 йоча У ий вашеш
у пачеран лийын. Марий Эл
Республикым Вуйлатыше
А.А.Евстифеев нунылан сра-
вочым кучыктен. Чыла пачер
Йошкар-Олаште верланен.
«Вес ийынат тулык икшыве-
влаккан пачерым пуэдена.
Тений 60 миллион тенгем
кучылтмо гын, вес ийлан
105 миллионым палемдыме»,
- каласен Вуйлатыше. Тыге
вес ийын 50 йоча пōртсий-
ым палемдышаш.

Айста модына



Йошкар-Оласе
19-ше №-ан
школышто 6-шо
класс-влак коклаш-
те модыш эртен.
Экологий теме
дене кылдалтше
увер дене радион,
телевиденийын, газе-
тын, театрын, книгагу-
дын палдарен шогымыш-
тым кажне класс презента-
ций гоч ончыктен. Сенгышыш 6-шо «В» класс лектын
(снимкыште). Кажнышплан «Ямде лий» газетым
пōлекленна.

**И.ЯМБАРШЕВА,
туныктышо.**



Волжский район

Пōтъял школ гыч Анна ПРИБЫТКИНАН сўретше.

Пайрем пōлек

У ий тольо! Лум лумеш,
Мардеж йўштым кондалеш.
Йўштō Кугыза толеш –
Шоньмашем шукталеш:
Тольо Йўштō кочаем,
Пōлекым пуыш мыланем.

**Оля КОШКИНА.
Советский, Кукмарий.**

Могай професийым ойыраш?

Мый полиций пашаен лийнем. Тиде чот неле паша,
но садиктак келша. Школ деч вара армийыш кай-
ынем. Полиций пашаен-влак калыкым осал ен-влак
деч аралат. Нелылыкыш логалшылан полшат.
Кокланже шонкалем: ала акам гай врач але англи-
чан йылмым туныктышо лияш? Но икымше вариант
кумылем садиктак савыра. Шоньмашкем шуаш
манын, школышто тыршен тунемам.

Настя МИХАЙЛОВА.

Лўльпан рўдерын воспи-
танникше-влак Российыште
эртаралтше мероприятийлаш-
ке чўчкыдын коштыт. Юл
кундемысе федерал округын
«Вернуть детство» проектыш-
кыжат ятыр гана ушненыт.
Но южгунам автобус уклан
кōра каен огыт керт. Марий
Эл Республикым Вуйлатыше
А.А.Евстифеев У ий вашеш
пōлекым ыштен: Лўльпан
рўдерлан 1 миллионат
823 тўжем тенгеш
автобусым ойырен.

Марий тиште кече



Марий тиште кече
вашеш С.Г.Чавайн
лүмеш националь-
ный книгагу-
дыш миенна.
Тушто түрлө
конкурсым эрта-
реныт. Ме писатель-
влакым да произведенийла

гыч геройлам палымынам тергенна, марий тамгам сүретенна, марий мурым муренна. Эн писын лудмаште Диана Охотникова ойыртемалтын. Тудо ик минутышто 240 мутым лудын. Тулак марла диктантым эн сайын возен. Дианалан книгаг да шоколадым пөлекленыт. С.Г.Чавайнын пөлемыштыже лийынна. Мыланна книгагудышто пеш келшен. Валентина Ивановна ден Лилия Владимировналан пеш кугу таум каласена.

Александра МОСКВИНА, 5-ше класс.
Медведево, Турша.

Йүштө Кугызан пөртшө

Йүштө Кугыза кушто ила?
«Великий Устюгышто!» –
вашеште те. Чын. А тебе
М.Шкетан лүмеш Марий
национальный драме театр
«Йүштө Кугызалан пөрт» кон-
курсым увертарен. Йоча-влак
тугай пөрт-влакым ыштеныт –
шинчат шарла! Йүштө кочай
ай чот куанен вет! Сандене
пөлекымат чаманен огыл. 11
авторлан ечим, ледянкым, гир-
ляндым, йоча мероприятийыш
1000 тенгеаш абонементым
кучыктен. А Лумұдырлан Йош-
кар-Оласе 5-ше №-ан «Хруста-
лик» да Медведево район У
Арбанысе
«Шонанпыл»
йочасадласе
ньога-влакын
пашашт кел-
шен.



Упиал дене!

Авам Татьяна
Николаевна Орша
түн школышто 30
пашам ышта. Тудо 1-4-
ше класслаште изи йоча-
влакым туныкта, эше
завуч. Ме кум йочаже
улына: Ирина, Лена да мый.
Ирина - авам гаяк туныкты-
шо, школыштына руш йыл-
мым туныкта. Лена Йошкар-
Олаште кевытчылан ышта.
Аванам У ий дене саламлена,
у пиалым тыланена.

Пётр НАГАЕВ,
8-ше класс.
Советский, Орша.


Эн чапле Йүштө Кугыза



Медведево районы-
со школласе 2-шо
класслаште тунемше-
влак коклаште У ий
вашеш конкурс эртен:
кө эн чапле Йүштө
Кугызам ышта. Конкур-
сыш ятыр школ гыч йоча
ушнен. Паша-влакым Медведевысе Йоча библиотекекыш
выставкыш чумыреныт. Тышке кажне йоча толын ончал
кертеш. Сеньше-влак радамыш тебе кө логалын: 1 вер –
Павел Макаров, Шойбулак шк. (вуйлатыше: Н.Ю.Гусева),
2 вер – Андрей Торопов, Знаменский шк. (вуйлатыше:
Т.В.Долгушева), 3 вер – Арина Короткова, Нурма шк.
(вуйлатыше: Е.Н.Громова).

Л.ИВАНОВА, туныктышо.

**Ученый-просвети-
тель, мер пашаен,
науко доктор
Валериан Михайлович
ВАСИЛЬЕВЫН шочмыжлан
13 январьштыште (тошто
стиль дене 1 январьштыште)
135 ий темеш.**



* В.М.Васильевын шочмо
кундемже – Пошкырт кундемы-
се Уфимский губерний Бирский уезд
Тумна ял (кызыт Янаул район).

* 1895 ийыште Уфа оласе кок классан
черемис училищым тунемын пытарен.

* Бирск оласе инородческий учительский
школышто пытаргыш ий тунеммыж годым,
1902 ийыште, тынеш пурен, Валериан

лүмым налын. Тымарте 19 ий Темьян
лүм дене коштын.

* Казань оласе духовный семинарийыш-
те, Озан оласе университетыште тунемын.

* «Марла календарьым» лукмаште тыр-
шен, «Ужара» газетын түн редакторжо
лийын.

* 1928 ийыште «Марий мутэрым» савы-
ктен луктын.

* И.А.Крыловын басныже-влакым куса-
рен.

* 1957 ийыште филологий науко доктор
лүмым налын.

* 1983 ийыште МарНИИЯЛИ-лан
В.М.Васильевын лүмжым пуымо.

«История марийского края в лицах»
книга почеш В.СМИРНОВ ямдылен.



И. СЕМЕНОВАН фото

Шочмо ялем
 Мый Пелемеш ялыште илем. Ялна чодыра воктен верланен. Куш от ончал – чыла вере муй пушан олык, шурнылан поян пасу. Олык воктен, йылгыжалтен, эгер йога. Йоча-влакын весела йўкышт шокта, тушто колым кучат, йўштылыт. Ялыштына яндар памаш шыргыктен йога, тушан ен-влак вургемым шўалтат. Ончыкыжым ялын чаплын тўзланымыжым ужем. Кеч-куш каем гынат, шочмо ялем ом мондо.

Радик ИШТУГАНОВ.
 Татарстан, Агрыз.

Ме изи пеш улына,
 Киса кайык гай улына.
 Киса кайыкым пукшаш
 Ме кормушкым ыштышна.
Маша КУЗНЕЦОВА.
 Медведево, У Арбан
 йочасад.

Пучымышым кочман



Йомак
 Илен улмаш кок өрш:
 Өршик ден Өршан. Нуно поланвондыш чонештен шинчыт. Өршик оила: «Корак толеш гын, мый тудым вур-р лўдыктен колтем!» Өршан манеш: «Ойлыштат, кугу корак деч шкеже лўдат!»

Эркын поланым чўнгат. Өршик йонгылыш тошкалеш да булти-и-ик мунчалтен камвозеш. Ты жапыште корак чонештен толеш да кок өршым поланвондо гыч лўдыктен колта.

Өршан оила: «Виет уке, камвозат велыс. Эше коракым лўдыктынет». «Эрдене пучымышым кочкам гын, ом камвоч ыле», - вашмутым муо Өршик.

Сева НИКИТИН.
 Кужэгер, Шўдымарий.

Ўстел йыр «Өрш» салатлан кўлыт:

шолты-мо чыве шыл, 2 помидор, 1 вуй шоган, 100 г корейский кешыр, 3 кўчымо муно, 100 г сыр, 2-3 шолтымо паренге, майонез, шинчал, йонгыштымо шем пурыс. **Өршлан кўлыт:** 1 муноптем, пел йошкар шере пурыс, 10 пырче маслине, укроп укш.



Шылым, помидорым, шоганым тыгыдын пўчкедыза, сыр ден паренгым тёркеш нўжыза. Муным шинчал да майонез дене лугыза, салмаш кўктыза да падыштыза. Тарелкеш лончо дене тыге оптыза: паренге, шоган, шыл, помидор, салмамуно, кешыр, сыр. Кажне

лончыма йонез дене йыгыза. Ёмбаланже сўретысыла өршым сўрастарыза.

Куанен тунемына



Руш йылме урокышто рушла чын кутыраш тунемына. Диктантым да сочиненийым возена. Мый тиде предмет дене олимпиадыште вием тергенам.
Ариадна ЯШКИРЕВА.

Математике урокышто тўрлө уравненийым, примерым, тергыме пашам ышташ йўратем. Кодшо ийын тиде предмет дене районысо олимпиадыш коштынам.

Яна СМИРНОВА.

Йўратыме урокем – марий йылме. Ме марла кутыраш тунемына. Лудына, возена, туштым туштена, мурым мурена.
Дамир ВАСИЛЬЕВ.

Йыр улшо пўртүс нерген предметым уло кумылын вучем. Ме тўрлө янлык,

Классыште латкум ўдыр да латкум рвезе тунемына. Туныктышына Нина Владимировна Соловьева пеш поро, сай. Ме тудым пагалена да йўратена.
Аня КУПСОЛЬЦЕВА.

куш-кыл-влак нерген шуко ум пален налына, вет туныктышына урокым пеш онгайын вўда.
Айгуль МУРТАЗИНА.

Лудмаш урокым чот йўратем. Тиде урокышто шуко лудына. Вет шуко лудат гын, шуко палет.

Кирилл НАУМОВ.
 Медведево, Знаменский, 4-ше «А» класс.






Пыл сүрет

Ковам Нина Щербакова (Бирюкова) - 54 ияш. Кугу Шүвылак ялыште шочын, кызыт Москваште пашам ышта. Изиж годым клубыш мураш, кушташ коштын, сад-ланак, мыйын шонымаште, почеламутым возаш кумылжо лектын. 2002 ий гыч ынде 15 ий воза. Ковамын мурыжат уло. Иктыжым Светлана Строганова мура, «Тыйын шинчат» маналтеш. Ковамын «Пыл сүрет» почеламутшо мыланем эн чот келша.

Валентина ТАНЫГИНА,
«Юнкор» кружокын енге.

У Торъял школ.

Вот кудале шулдыран
ош шорык,
Вот чонештыш
шулдыран меран.
Динозавр бегемот
гай нушкын,



Пыл орашке пурыш - кевыт ман.
Вот мардеж вашгалтыш крокодилым,
А дельфинже, кушко тый вашкет?

Черепакым кушкыжын шыншале,
Кава мучко иеш пыл сүрет.

Страус игыжым онча пеш öрын,
Мо тыгае лийын, томаша?

Теве-теве ыле тудо мыйын,
Йомын кайыш - кычалаш паша.

Чевер кече, тидым чыла ужын,
Шыргыжалын күшычын онча.

Пыл кокласе илышлан вел огыл,
Мландышкат шке шокшыжым колта.

Тевыс изи шоншо понгым муын,
Изи уржо пүкшым пеш пога.

Агытанже, онгым кадырталын,
Чыве-влакым рат дене шотла.

Илыш, илыш - тиде ош тўняште
Чылалан шке вержым ончыкта.

Чыланат улына ме ты тўняште
Пўртўснажын шонымо йоча.

Нина ЩЕРБАКОВА.

Арале Чеверын, Экологий идалык!

Школыштына экологий кружок пашам ышта. Тудым биологийым да химийым туныктышо Алина Эриковна Тобеква вўда. Экологий идалыкым иктешлен, 7-ше классыште тунемше-влак концертым ончыктеныт. Даша Тобеква ден Настя Петухова концертым вўденыт. З.Беляеван «Арале пўртўсым» почеламутшым Юля Горохова лудын. Ёдыр-рвезе-влак пўртўсым аралаш кумыланденыт.

Кристина БЫКОВА,
Кужэгер, Конганур.

Ушан пием

Кудывечыште – онай сюжет:
Тыгайрак сүрет.

Пиемлан кочкаш пуэм,
Тудо эскера куэм.

«Ончал, шиште тўжала,
Куэм шуки деч зрыкта, –


Вуйжым Шарик савырале,
Пуйто мылам ойлале:

– *Шиштын мўшкыржө шужен,
Пырчым тутлым пу вашкен.*

*Кеч-могай сай пашалан
Пашадарым тўлман».*

Юлия ИВАНОВА.

Кужэгер, Шорсола.



Мый

кокимшо чырыкым

«4» да «5»

отметке дене

тунем пытаренам.

У ийлан мўнгыштө

сылне кожым сөраста-

ренна. Авам дене пырля тўрлө тўсан

шўртө гыч кайык-влакым ыштенна. Тиде

модыш-влак дене пöртым сöрастаренна.

Йўштө Кугызалан серышым возен

ямдыленам: пöлекшым налынам.

Анна ЯМИДАНОВА.

3-шо №-ан Советский

школ.



Йўштө Кугызан пижгомжо

У ий вашеш ачам ден коктын кудывечым зрыктенна. Трук лумышто ала-мо йылгыжалте. Ончална, а тиде пижгом. Тудым йылгыжше лум пырчыла дене сöрастарыме. Мый пижгомым нöлталнем ыле, трук тудо мыйым шупшыльо. Тыге юзо полатышке верештым. Тушто

гномик-влак у ий модыш-влакым ышты-

лыт. Умылышым: мый Йўштө Кугызан пöртыштыжө улам.

Йўштө Кугыза йоча-влаклан пöлекым намиен ынже шукто манын, осал Вуверкува пижгомжым шолыштын улмаш.

Мемнан кудывече ўмбач ўштервоштыр дене чонештымыж годым тале мардеж пуалын, да Вуверкуван күсенже гыч

пижгом лум пургыжыш лектын возын. Йўштө Кугыза мыланем шке полатшым ончыктен коштыктыш, гармонь почеш

куштыктыш да пöлекым пöлеклыш. А мый тудлан пижгомжым пöртылтышым.

Артём ИЗИДОРОВ аваже Екатерина Анатольевна дене пырля возен.

Йошкар-Ола, 10-шо номеран «Звездочка» йочасад.
Воспитатель-влак:

С.Н.Шепелева, З.Е.Щербакова.



Ирина НИКОЛАЕВАН
сүретше.
Волжский, Пöтъял.

Ешыште вич йоча лийын:
 Екум акак-шўжар – Магдалина, Раиса,
 Соня – да Эчук изаже. Аркадий нылымше
 икшыве лийын. Йоча пагытше Морко рай-
 онысо Энерўмбал Шале ял дене кылдалтын.
 Ожнырак тудым Сайгелдесола маныныт.
 Сайгелдыже ачаже гоч кугезе кочаже
 лиеш. Тудо Өтөгөн Өчи Сайнын эргыже
 улмаш. Өтөгөнжө Элнетын Юл дене ушны-
 мо кунде-
 меш, шола
 серешышт,
 шочын-куш-
 кын, Морко кундемыш XVI
 курымышто толын лектын. Сайн
 Сайгелде сурт-печыжлан
 Энерўмбал ялын касвел
 чонгатажым ойырен налын,
 лач тудын илем олмышты-
 жо Аркадий Букетовын
 йоча жапше эртен.

Латкок ияш ача-ава
 деч посна кодын. 1948 ийыште шымияш
 школым пытарымек,
 Морко педучилищыш пурен.
 Тушто тунеммыж годым сылны-
 мутлан чот шўмангын. Икымше
 почеламутшо 1950 ий 3 мар-
 тыште «Марий коммуна» газе-
 теш лектын. Тиде ныл строфан
 «Тау Сталин йолташлан!» поче-
 ламут. 1952 ийыште, Морко
 педучилище деч вара,
 Н.К.Крупская лўмеш Марий
 педагогический институтын
 историко-филологический
 факультетышкыже тунемаш
 пурен. Морко районысо Шенше
 кыдалаш школыш руш йылме ден
 литературым туныкташ виктемем
 налын. Тушто кугурак класслаш-
 те руш йылме ден литературым,
 марий литературым, тыгак историйым
 лучко ий да кок тылзе туныктен,
 завучат лийын, а касте-
 не тунемме школышто – директор
 да руш йылме ден литературым
 туныктышо. Тылеч

посна мер пашам шуктен
 шоген: педколлективыште пропагандист
 семын семинарым вўден, лектор да агита-
 тор лийын, селькор семынат тыршен.

КПСС Морко райком аппаратыште
 инструкторлан 1971 ий 19 октябрь гыч
 1976 ий июль марте шоген. Инструкторлан
 ыштыме ийлаште творческий пашам кудал-
 тен огыл. 1974 ийыште Марий книга савы-

ктышыште
 « В и с в и с
 шыргыжеш»
 п о э з и й

сборникым луктын.

1976 ийыште Ар-
 кадий Букетов жур-
 налист пашаш кус-
 нен. «Марий ком-
 муна», «Ончыко»,
 «Морко мланде» да

моло журнал, газе-
 тын корреспондентше
 лийын. Шуко статья,
 почеламут да поэмыже-
 влак савыкталтыныт.

Аркадий Иванович –
 Марий Элын заслу-
 женный журналистше,
 пашан ветеранже.

Аркадий Букетов 16
 май 2009 ийыште
 илыш дене чеверла-
 сен. Ачана ешыште
 эре шарнымашеш
 кодеш. Шочмо кечы-
 же вашеш ик поче-
 ламутшым «Ямде
 лий» газетлан пўле-
 клем.


**Ираида
 БУКЕТОВА,**
 поэтын ўдыржб.

«Ош куэ конча омеш» (2004),
 «Өтөгөн» (2006), «Лунный вальс»
 (2006), «Пыште мыйым шўмышкет»
 (2007) сылнымут аршашыже-влак
 лектыныт.

Тау тылаңет, ачаем!



**Аркадий Иванович
 Букетов-Сайн 1933
 ий 6 январьыште
 кресаньык ешеш
 шочын.
 Ила гын, тений
 тудлан 85 ий
 темеш ыле.**



Шочмо кече

Каждє ежєн уло шочмо кече,
 Пушто чылт у шўдыр йомалеш.
 Келшыше тудлар гына илече.
 Мыйвын гың Рошто вашеш толеш.
 Шулаткече карыш кечыи кордыш.
 Ыш мого окналаште кечыиол.
 Ўшштб ший пеледыш чирчыи кордыш.
 Медшї жар деч пўлеклар – укол ...
 Но мондерак огытыл улмашың.
 Родо, таң-влак тольыч саламлаш.
 Тыште вел чың акше келшыиашың.
 Аач тыме палет, кб чың йолташ.
А.БУКЕТОВ-САИЧ.

Телылан куанена



Теле толын!

Изи-шамыч

Лум пуракым тўргыктат,
 А воктенышт кугуракышт
 Лум курчакым пўрдыктат.

Ўдыр-влак йольече дене
 Ийым коркалаш вашкат.
 Рвезе кашак ече дене
 Курыкышто мунчалта.
Роман ПЕТРОВ.

Теле толын! Теле толын!

Йоча-шамыч, йывыртен,
 Лектыч лум дене модаш,
 Ваш-ваш чумыркам кышкаш.
Настя КРЫЛОВА.

Ынде ватрушко дене
 Курык гыч волаш лиеш!
Сергей КУЗНЕЦОВ,
 7-ше класс.
Волжский, Кугу Корамас.

Только
 теле,
 йўштб теле,
 Мамык гае
 лум возеш.

Волжский район Пўтъял школ гыч Катя МИХАЙЛОВАН сўретше.

“Ямде лий” 2018 ий 6 январь

2018



**Эрвел календарь почеш -
Нарынче Пийын идалыкше.
Марла календарь почеш -
Шоншын идалыкше.
Тудо 22 мартыште
тўналеш.**

Ф.ЛЕБЕДЕВАН сўретше.

	Январь	Февраль	Март	Апрель	Маї	Июнь
шм	1 8 15 22 29	5 12 19 26	5 12 19 26	2 9 16 23 30	7 14 21 28	4 11 18 25 шм
кш	2 9 16 23 30	6 13 20 27	6 13 20 27	3 10 17 24	1 8 15 22 29	5 12 19 26 кш
вр	3 10 17 24 31	7 14 21 28	7 14 21 28	4 11 18 25	2 9 16 23 30	6 13 20 27 вр
из	4 11 18 25	1 8 15 22	1 8 15 22 29	5 12 19 26	3 10 17 24 31	7 14 21 28 из
кг	5 12 19 26	2 9 16 23	2 9 16 23 30	6 13 20 27	4 11 18 25	1 8 15 22 29 кг
шм	6 13 20 27	3 10 17 24	3 10 17 24 31	7 14 21 28	5 12 19 26	2 9 16 23 30 шм
рш	7 14 21 28	4 11 18 25	4 11 18 25	1 8 15 22 29	6 13 20 27	3 10 17 24 рш

	Июль	Август	Сентябрь	Октябрь	Ноябрь	Декабрь
шм	2 9 16 23 30	6 13 20 27	3 10 17 24	1 8 15 22 29	5 12 19 26	3 10 17 24 31 шм
кш	3 10 17 24 31	7 14 21 28	4 11 18 25	2 9 16 23 30	6 13 20 27	4 11 18 25 кш
вр	4 11 18 25	1 8 15 22 29	5 12 19 26	3 10 17 24 31	7 14 21 28	5 12 19 26 вр
из	5 12 19 26	2 9 16 23 30	6 13 20 27	4 11 18 25	1 8 15 22 29	6 13 20 27 из
кг	6 13 20 27	3 10 17 24 31	7 14 21 28	5 12 19 26	2 9 16 23 30	7 14 21 28 кг
шм	7 14 21 28	4 11 18 25	1 8 15 22 29	6 13 20 27	3 10 17 24	1 8 15 22 29 шм
рш	1 8 15 22 29	5 12 19 26	2 9 16 23 30	7 14 21 28	4 11 18 25	2 9 16 23 30 рш



«Палыза, кө мый улам!»



Ксения Егорова Арбор йоча садыш коштеш, Лумұдыр вургем дене (1-ше фото). Ангелина Егорова Арбор школын 3-шо классыштыже тунемеш, тудо Йошкар Упш лиын (2-шо фото). Марий Турек район Лүсэгер ял гыч улыт.



Кужэгер район Шұдымарий гыч Катя Чурикова - Рывыж.



Конкурсш пурышо паша



Радам дене опыто модыш-влакым сүретыште му.

У Торъял кыдалаш школын тунемшыже 8 ияш Анна Еросланова. У ий пайремыште Пызлыгичке лиын.

Тумо

Имыже шуко уло, ургенже ок мошто.



Мундыра йыр имым кередыме.



Чодыраште

Шайык шинчан ош меранже Писын-писын кудалеш. Кужу пылышыжым нөлталын, - Поктен от шу, - малдалеш!
Карина ЗОСИМОВА.

Чодыраште изи ур Пүкшым пурын илалеш. Кече чевер ончалеш - Укш гыч укшыш төрштылеш.
Марина МИТКИНА.
1-ше номеран Морко школ.



Волжский район Пөтъял гыч Наталья ВАСИЛЬЕВАН сүретше.



Индекс: Марий Элыште, Пошкырт ден Татарстан кундемлаште - П4696. Тираж 1000 экз. Заказ 2707. Формат - А-4-8. Директор-түн редактор Л.В.СЕМЕНОВА.

E-mail: yamde_lii@mari-el.ru, yamde_lii@mail.ru Сайтын адресше: yamde-lii.ru, Тел. 45-25-49(факс); 45-22-82.

выктыме. Типографийын

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ям-де лий» газет» кугыжаныш унитарный казенный предприятий.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч са- адресше: 424006, Йошкар-Ола, Строитель урем, 95.

Газетым Массовый коммуникаций сферыште да культур наследийым аралымаште законодательством шуктен шогым эскерыше Федеральний службыв Приволжский федеральный округысо управленийыштыже регистрироватлыме. Номер - ПИ №ФС 18-1999, 2005 ий 10 февральыште пуымо.



Печатьыш пуымо жап - 14-00, фактически - 13-00. Ак - кутырен келшыме почеш.

Авторын да редакцийын шонмашышт түрлө лийын кертыт. Серыш-влак мөнгеш огыт колталт.

Редакцийын да издательнын адресше: 424006, Йошкар-Ола, СССР Вооружённый Вийын 70-ше идалыкше урем, 20.